



МОЛИТВЫ
ЗА
ДЕТЕЙ



Сборник Молитвы за детей

*Текст предоставлен правообладателем
http://www.litres.ru/pages/biblio_book/?art=43454552
Молитвы за детей: Сатисъ; Санкт-Петербург; 2009
ISBN 5-7868-0093-8*

Аннотация

Глубокий знаток духовной жизни – святой Исаак Сирин основным условием для успеха всякого дела человека считал следующее: «всякую вещь, малую и великую, должно ему в молитве испрашивать себе у Создателя своего».

Итак, первым условием воспитания детей является усиленная молитва о них родителей. А если чувствуем слабость и невнимательность нашей молитвы, то, по учению святых отцов, качество ее мы должны восполнять количеством. Так советовал преподобный Серафим. Он рекомендовал родителям не ограничиваться обычными правилами, но, подражая инокам, вставать на молитву и в полунощный час.

В формате PDF А4 сохранен издательский макет.

Содержание

Молитвы о даровании детей	7
Молитва святым праведным Захарии и Елисавете	8
Акафист святым и праведным Богоотцам Иоакиму и Анне	10
Икос 1	10
Кондак 2	11
Икос 2	12
Кондак 3	12
Икос 3	13
Кондак 4	14
Икос 4	14
Кондак 5	15
Икос 5	15
Кондак 6	16
Икос 6	17
Кондак 7	17
Икос 7	18
Кондак 8	19
Икос 8	19
Кондак 9	20
Икос 9	20
Кондак 10	21

Икос 10	21
Кондак 11	22
Икос 11	23
Конец ознакомительного фрагмента.	24

Молитвы за детей



© ХХХ, текст, составление, 2009

© Издательство «Сатись», 2009

Молитвы о даровании детей

Услы́ши нас, Милосе́рдный и Всемогúщий Бóже, да мо-
лэ́нием на́шим ниспóслана бúдет благода́ть Твоя́. Бúди ми́ло-
стив, Гóсподи, к моли́тве на́шей, вспомни Зако́н Тво́й об
умножении рóда челове́ческаго и бúди ми́лостивым Покро-
ви́телем, да Твое́ю помо́щью сохрани́тся Тобóю же устанóв-
ленное. Ты́ властною си́лою Твое́ю из ничегó всё сотвори́л и
положи́л нача́ло всегó в ми́ре существующего – сотвори́л и
челове́ка по óбразу Своему́ и высо́кою та́йною освяти́л сою́з
супру́жества и предуказа́ние та́йны единéния Христа́ с Цер-
ковью. При́зри, Милосе́рдный, на рабо́в Твои́х сих (*имена*),
сою́зом супружеским соединéнных и умоля́ющих о Твое́й
пóмощи, да бúдет на ни́х ми́лость Твоя́, да бúдут плодови́ты и
да уви́дят они́ сы́на сыно́в свои́х да́же до трéтьяго и четвэ́рта-
го рóда и до желае́мой ста́рости доживут и войдут в Ца́рство
Небе́сное через Гóспода на́шего Иису́са Христа́, Котóрому
вся́кая сла́ва, че́сть и поклонéние подобáет со Святы́м Ду́хом
во ве́ки.

Молитва святым праведным Захарии и Елисавете

День памяти 5/18 сентября

О святїи угóдницы Бóжии, прорóче Захáрие и прáведная Елисавето! Пóдвигом дóбрым подвизáвшася на земли, восприяли еста на Небесéх венéц прáвды, егó же уготóвал есть Госпóдь всем любящим Егó. Тémже взирающе на святýй ваш óбраз, рáдуемся о преслáвнем скончáнии жítельства вáшего и чтим святýю пáмять вáшу. Вы же, предстоя Престо́лу Бóжию, примíte молéния нáша и ко Всеми́лостивому Бóгу принесíte, о éже простíti нам всякое прегрешéние и пóмощи нам стáти протíву кóзнем диáвольским, да избáвльшеся от скорбéй, болéзней, бед и напáстей и всякаго зла, благочéстно и прáведно поживéм в ны́нешнем вéце и сподóбимся предстáтельством вáшим, áще и недостóйни есмý, видети благáя на земли живýх, слáвяще Едíнаго во святýх Свои́х слáвимаго Бóга, Отцá и Сы́на и Свята́го Дýха, ны́не и во вéки векóв. Амíнь.

О праведных Захарии и Елисавете

Праведные супруги, «поступая по всем заповедям Гос-

подним беспорочно», страдали неплодием, что считалось в ветхозаветные времена наказанием Божиим. Получив весть от ангела о том, что жена родит сына, св. Захария усомнился в этом и был наказан немотой. Когда праведная Елисавета родила сына, его назвали Иоанном.

Пророк Захария был убит по повелению Ирода, через сорок дней скончалась и праведная Елисавета.

Праведным Захарии и Елисавете особо молятся о помощи в трудных родах и в супружеском неплодстве или бесчадии.

Акафист святым и праведным Богоотцам Иоакиму и Анне

День памяти 9/22 сентября

Кондак 1

Избрáннии от челове́ческаго рoда прарoдителие Хри-сто́вы, рoждшии Прeблагословeнную Богоoтрово́ицу, из Нея́же по плoти Сын Бoжий рoдися, свя́тии и пра́веднии Богоoтцы́ Иоаки́ме и Анно́! Яко́ иму́щии дерзнове́ние ве́лие ко Христу́ Бо́гу и вѣ́ну предстоя́щи Престо́лу Его́ небе́сному, Тому́ приле́жно моли́теся от бед нам изба́виться, да вѣ́ну зо-вѣ́м вам:

Ра́дуйтеся, свя́тии и пра́веднии Богоoтцы́ Иоаки́ме и Анно́.

Икос 1

Ангел предста́тель по́слан бысть к вам от Бо́га, свя́тии и пра́веднии Богоoтцы́ Иоаки́ме и Анно́, егда́ о беспло́дии своём ов у́бо в пусты́ни, oба же в саду́ своём се́товасте, к Бо́гу моли́тву вознося́ще; и та́ко благове́стие ра́достное принесе́ беспло́тний, яко́ родити́ имате Дщeрь Прeблагословeнную, o

Нейже возблагодарится весь род человеческий, с нимже и мы вам радостное принесим хваление:

Радуйтесь, корене Давидова святопроцветшия розги винограда животнаго;

Радуйтесь, рождшии Дщерь, от всех родов Препоблаговенную.

Радуйтесь, воплощагося Сына Божия прародителие всечестнии;

Радуйтесь, таинства, от века утаеннаго, проявителие всеизряднии.

Радуйтесь, утѣхи Израилевы ближайшии по плоти сродницы;

Радуйтесь, обетованнаго миру Спасителя единокровнии южицы.

Радуйтесь, святѣи и праведнии Богоотцы Иоакиме и Анно.

Кондак 2

Видев себе святѣй Иоаким, во храме Иерусалимстем безплодия ради от архиерея уничиженна, зело опечалися, и в горести души своея в пустыню к своим стадом удалися, и тамо со многими слезами тепле ко Господу моляшеся, да сподобит его отцем своему чаду нарещися, и тако к молитве же пост прилагаше, и в сокрушении сердца Вседержителю Богу взываше: Аллилуиа.

Икос 2

Силу горести мужа своего святая Анна уведевши, в дому своём седящи, горце плакася и моляшеся ко Господу, да поношение бесплодия от нея отымет. Мы же, толикое терпение праведных поминающе, воззовём:

Радуйтесь, богоизбранная двоице, Единому от Троицы Матерь по плоти породившая;

Радуйтесь, Зиждителю вашему Родительницу непорочную произведшии.

Радуйтесь, супруги благословеннии, Преблагословенную в женах Дщерь воспитавшии;

Радуйтесь, в бесплодии вашем от Господа услышаннии.

Радуйтесь, яко слезныя молитвы ваша проникоша небо и во ушию Бога Израилева достигоша;

Радуйтесь, яко поношение ваше временное во славу вечную на небеси и на земли изменися.

Радуйтесь, святии и праведнии Богоотцы Иоакиме и Анно.

Кондак 3

Силою Божиею преисполнен, явися Ангел Господень святому Иоакиму в пустыни и рече ему: «Услыша Бог молитву твою и изволи дати тебе благодать Свою, се бо жена твоя Ан-

на зачнёт и породит тебе Дщерь, о Нейже всему миру будет радость». Сия рек безплотный, повеле ему ко храму Иерусалимскому паки отыдти, идеже он супругу свою молящуся обрящет, с неюже вкупе да воспоёт тамо хвалёбную песнь Богу Израилеву: Аллилуиа.

Икос 3

Имуще скорбь велию в сердце своём Анна святая и в вертоград дома своего вшедши, виде гнездо птичье на древе сооружено, птенцы малыя в нем лежащия, абие моления к молениям прилагати потщася, да сподобит ю Господь мать чаду быти. И се явися ей ангел Господень, глаголя: «Услышана есть молитва твоя и воздыхания твоя проидоша облаки, слезы же твоя пред Бога внидоша: се зачнеши и родиши Дщерь Преблагословенную, о Нейже возблагодарятся вся колена земная, и Тобю дастся спасение всему миру, наречется же имя Ей Мария». Таковое ангельское всерадостное благовещение поминающе, воспойм Богоотцем таковая:

Радуйтесь, супруги праведнии, от Бога свыше предызбранныи;

Радуйтесь, во всех заповедех Господних без порока ходившии.

Радуйтесь, в скорби вашей временной утешение вечное получившии;

Радуйтесь, паче чаяния вашего десницею Божиею превоз-

несённый.

Радуйтесь, яко во смирёнии вашем и скорби помяну́ вы Господь;

Радуйтесь, яко сподобистесь прародителие Сы́ну Божію быти.

Радуйтесь, святїи и праведнии Богоотцы́ Иоакіме и Анно.

Кондак 4

Бурею сомнѣния Иоакимъ праведныйъ содержимъ и о благовѣстїи ему́ ангела недоумевая, абїе во град Иерусалимъ отыде, идеже предъ враты́ храма святыю́ Анну обрете, Господа вельми́ славословящую и радость ангельскаго явленїя и о чаде проречѣния ему́ возвещающую, темже и о своемъ видѣнии супружнице благовестивъ, вкупе с нею возопїи ко Господу: Аллилуїа.

Икос 4

Слышавше сродницы и знаѣмїи о преславномъ святыя́ Анны зачатїи, Бога Израїлева славляху, Анна же богомудрая плодъ чрева своего́ на служѣние Богу́ обрече, теплое благодарѣние Господевїи возношаше; мы же свѣтло всеславное зачатїе Богоотроковицы Марїи воспеваяюще, Той святымъ родителемъ глаголемъ сїце:

Ра́дуйтеся, ра́достнии нам грядúщаго в мир Иску́пителя
провозвѣстницы;

Ра́дуйтеся, прѣсно поминáемии ча́емаго Спасителя прáот-
цы.

Ра́дуйтеся, чрез Дщерь ва́шу благословѣнную Сло́ву
Бо́жью плоть взаимода́вшии;

Ра́дуйтеся, Бо́га воплощённа Внúка себѣ нарица́ющии.

Ра́дуйтеся, вѣлией благочѣстия та́йны досто́йнии служите-
лие;

Ра́дуйтеся, Бо́жия к челове́ком снисхожде́ния всеизряд-
нии посре́дницы.

Ра́дуйтеся, святы́и и пра́веднии Богоотцы́ Иоакíme и Ан-
но.

Кондак 5

Богосвѣтлую звезду́ явльшую Сòлнце Пра́вды Христа́
Бо́га, Пресвяту́ю Богородицу, плòтию родити сподобистеся,
и вожде́ленное и́мя Богооте́ц прия́сте, Иоакíme и Анно все-
блаже́ннии, о Ея́же рождестве́ святѣм нѣбо и земля́ возрадо-
вашася, и весь род челове́ческий освятися, вопия́ дивному
во святы́х Свои́х Бо́гу Изра́илеву: Аллилу́иа.

Икос 5

Ви́девше родителие от них рòждшуюся Богоотрокови́цу

Марію, Зиждiтелеву же Матеръ, яко кивоту Божію, благоговѣйно Той послужиша; тѣмже и нас, к вам молiтвенно припадающих, не отвратiтесь, глаголющих:

Радуйтесь, в рождествѣ Богоотроковицы Маріи свѣтло возликовавшии;

Радуйтесь, видѣніем Богоотроковицы услаждѣннии.

Радуйтесь, слышаніем Ея умилѣннии;

Радуйтесь, по сих от архиерѣя Божія благословѣннии и ублаженнии.

Радуйтесь, Агницу непорочную в домѣ своемъ добре упасшии;

Радуйтесь, Агнца и Пастыря Матеръ во Дщеръ себѣ приѣмшии.

Радуйтесь, святiи и праведнии Богоотцы Иоакиме и Анно.

Кондак 6

Проповѣдницы чудесъ Божіихъ явистесь святiи, егда обѣтъ свой Божіи совершисте и трилѣтнюю Богоотроковицу Марію в храмъ Божій со славою введосте, да обитаетъ тамъ во святая святыхъ, о сихъ убо радостно Богу отецъ вашихъ славословія песнь воспевати потщастесь: Аллилуіа.

Икос 6

Возсія Богоотроковица, яко луна́ пólная, в честнѣм
Своѣм в храм Господень вхождѣнии, Еяже чистотѣ ангелы
удивляхуся, и архиерей Божий Захарія приѣм Ю от рук
ваших, святїи Иоакїме и Анно, во внúтренняя святая свя-
тых с чѣстїю введѣ, яко воистину одушевлѣнный Божий ки-
вот, вас же по достоянїю ублажї хвалѣньми таковыми:

Радуйтеся, радость всемирную роду человеческому поро-
дївшии;

Радуйтеся, Винóвницу человеческого обновлѣния воспи-
тавшии.

Радуйтеся, в храм Господень Кивот одушевлѣнный Божий
привѣдшии;

Радуйтеся, Дщерь вашу Святую во святая святых вме-
стївшии.

Радуйтеся, Богу, воплотїтися хотящему, сродницы яв-
ляющїиися;

Радуйтеся, ангелом собесѣдницы бывшии.

Радуйтеся, святїи и праведнии Богоотцы Иоакїме и Ан-
но.

Кондак 7

Желанїе дýши твоея исполнив и обѣт твой Бóгови воздав,

Иоакіме преблаженне, в старости добрей свято и праведно жизнь земную о Господе скончал еси. Темже ныне Тому и о нас сотвори молитву, да благую, мирную и непостыдную кончину получитьи сподобимся, зовуще Ему: Аллилуиа.

Икос 7

Новое и богоугодное житие во вдовстве твоём, Анно святая, провождала еси, у храма Божия приметаяущися и Святей и Преблагословенней Дщери твоей сослужащи, темже яко истинную и богоугодную вдовицу, Христову же прабабу, ты восхваляем, вкупе же и мужа твоего, Богоотца Иоакима, усердно чествуем и с любовью песни таковыя вам приносим:

Радуйтесь, праведницы, ихже правда, яко солнце, сияет во веки;

Радуйтесь, Ангелом друзи, сожителие святым и приснии Богу.

Радуйтесь, ближнии небснаго Престола предстоятелие;

Радуйтесь, дерзновение велие ко Христу Богу имущии.

Радуйтесь, Церкви на небеси торжествующия украшение;

Радуйтесь, Церкви воинствующия на земли доброе заступление.

Радуйтесь, святии и праведнии Богоотцы Иоакиме и Анно.

Кондак 8

Странствие земное совершив, святая и праведная Анно, на руках Пребожественных твоя Дщери, Богородицы Марии, сном смертным почила еси и к Богу со упованием представилася еси, темже святое усмение твое славяще, молим тя, о, Богопраматерь всечестная, да егда и мы сном смертным усыпати начнем, умоли Спаса Христа кротко душу нашу от тела отделить и бесовския власти ю избавити, спасения же вечнаго нас удостоити, да зовем Ему в радости святых: Аллилуиа.

Икос 8

Весь мир христианский блажит вас по достоинию, святости и праведнии Богоотцы Иоакиме и Анно, и молитвенно ваша честная имена прославляет, Церковь же Христова светло память вашу празднует и песни хвалебныя вам приносит сиче:

Радуйтеся, светильницы, мрак душ наших благодатно озаряющи;

Радуйтеся, от горних высот славы вашей к земнородным милостиво проникающи.

Радуйтеся, Богородице Марии сомолитвенницы всегдашнии;

Ра́дуйтеся, Христа́ Бо́га умило́стивителие мно́гомощнии.

Ра́дуйтеся, лю́бовь и ве́ру к вам иму́щих от вся́ких бед спаса́ющихи;

Ра́дуйтеся, моли́твенно на по́мощь вас призы́вающих от напрасныя и на́глыя сме́рти изба́вляющихи.

Ра́дуйтеся, свя́тии и пра́веднии Богоотцы́ Иоакíme и Анно.

Кондак 9

Вси а́нгели Бо́жии и ли́цы святы́х Бо́жих на небеси́ вас, свя́тии и пра́веднии Богоотцы́ Иоакíme и Анно, целу́ют, ро́ди же челове́честии на земли́ моли́твенными пе́снями вас похва́ляют и о предста́тельстве ва́шем благода́рно вопиу́т Бо́гу: Аллилу́иа.

Икос 9

Витийства на́ша не довлéют к досто́йной вам похвалé, свя́тии прароди́телие Христо́вы; о́баче вы, ми́лостивы сущe, и на́ша убо́гая хвалéния не отвратите, но бу́дите о нас тёплии предста́тели и моли́твенницы ко Го́споду, ва́шими святы́ми моли́твами ску́дость душ на́ших восполня́юще, да благода́рственне вам зове́м:

Ра́дуйтеся, ра́дости и сла́вы вéчныя вожде́лenniи нам стяжа́телие;

Ра́дуйтеся, благ вре́менных и вѣчных усѣрднии нам пред Го́сподем ходатаи.

Ра́дуйтеся, от смертоно́сных я́звы предста́тельством ва́шим вѣрныя сохраня́ющие;

Ра́дуйтеся, тлетво́рныя вѣтры моли́твами ва́шими разго́няющие.

Ра́дуйтеся, трясѣние земли́ и бу́ри зѣльныя ходата́йством ва́шим установля́ющие и в тишину́ прелага́ющие;

Ра́дуйтеся, во всяких беда́х и злоклю́чениях на по́мощь к нам ускоря́ющие.

Ра́дуйтеся, святы́и и пра́веднии Богоотцы́ Иоакіме и Анно.

Кондак 10

Спасѣния душѣвнаго желáющим и о сем усѣрдно подви́зающимся, по́мощницы блази́и, святы́и и пра́веднии Богоотцы́ Иоакіме и Анно, явистеся, ов у́бо ино́ком, оба же ино́кинем хранители́ имену́етеся, обще́е молѣние за всех вѣрных Бо́гу принося́ще, да вси благодарственнo зову́т просла́вльшему вас во вселѣнней, Царю́ сла́вы Христу́: Аллилу́иа.

Икос 10

Стено́ю моли́тв ва́ших небѣсных, святы́и и пра́веднии Богоотцы́ Иоакіме и Анно, сохраня́йте и огражда́йте нас

от искушений врага диавола, ищущаго душевной погібели нашей: вѣмы бо, вѣмы, яко много может молитва ваша пред лицем Христа Бога нашего, вашего же по плоти Внука. Егѡже умоляти не престаите о всех, с любовью вас почитающих и вопиющих:

Радуйтесь, маслина благоплодная, елей милости Божией обильно нам источающая;

Радуйтесь, кипариси двѡе благосеннолиственнии, зной страстей наших в покой безстрастия приводящии.

Радуйтесь, виссо́не и багрянце, из нихже Ски́ния Божия селения соорудися;

Радуйтесь, горлицы единосупружнии, Голубицу непорочную произведшии.

Радуйтесь, со Дщерью вашею, всех Царицею, вечно царствующии;

Радуйтесь, в Си́оне горнем в обители Ея небесней светло торжествующии.

Радуйтесь, святїи и праведнии Богоотцы Иоакиме и Анно.

Кондак 11

Пѣние наше хвалѣбное милостивно примите и щедрѡт ваших молитвенных нас не лишите, о, святїи прародителие Христовы Иоакиме и Анно, аще и недостѡйнии есмы, грехѡв ради наших, вашего святаго заступления: обаче яко блази и

всещѣдри сущѣ, сіе нам подадите, и помозите нам покаѣнием очѣстѣтѣся от сквѣрны грехѣвныя, да в чѣстотѣ сердецъ воспоемъ Создателю нашему хвалѣбную песнь: Аллилуѣа.

Икос 11

Светоподательная два свѣтѣльника, всемирную Свещу возжѣгшии, познаемъ святыхъ Богоотецъ Иоакима и Анну, о, братіе, и сїяніемъ техъ небесныхъ славы озаряеми, воспоемъ имъ таковая:

Радуйтеся, славнейшую безъ сравненія Серафимъ воспитати удостѣившиися;

Радуйтеся, лучами благодати Божия осїянии.

Радуйтеся, благоуханія духовнаго преисполненнии;

Радуйтеся, фимиамъ молитвъ вашихъ о всемъ міре христианствомъ Богу приносящии.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.